

**OKVIRNI SPORAZUM - UGOVOR
O UVJETIMA KUPOPRODAJE ROBE**

Zaključen u Sarajevu dana 25-04-2017 godine.

UGOVORNE STRANE

Prodavac:

“DEFTER” d.o.o. Sarajevo, ul. Gatačka br. 20 71 000 Sarajevo (u daljem tekstu: Prodavac), ID broj: 4200303990007, koga zastupa direktor Refik Redžović

Kupac:

KANTON SARAJEVO, Stručna služba za zajedničke poslove, ul.Reisa Džemaludina Čauševića br. 1 71 000 Sarajevo (u daljem tekstu: Kupac), ID broj: 4200667410006, koga zastupa načelnik Fikret Jašarević

Član 1.

Ovim ugovorom ugovorne strane utvrđuju prava i obaveze vezana za prodaju i kupovinu proizvoda iz prodajnog programa prodavca u skladu sa ponudom broj: **120-A/2017 od 02.03.2017. godine**, zaprimljene pod brojem: **17-14-9794 od 03.03.2017. godine i to:**

- **Nabavka i isporuku potrošnog materijala i potrepština za potrebe održavanja higijene Kantona Sarajevo u 2017. godini,**

dostavljene po objavljenom javnom pozivu za zahtjevanu nabavku (**LOT 1 – Toaletni papir, maramice, peškiri i salvete**).

Prodavac se obavezuje vršiti prodaju proizvoda iz stava 1. ovog člana kupcu, a kupac plaćati iste proizvode prema odredbama ovog ugovora a u skladu sa cijenama koje su date u gore navedenim ponudama, koje su sastavni dio ovog Ugovora.

Član 2.

Prodavac se obavezuje da će isporuku proizvoda iz tačke 1. ovog Ugovora vršiti **franco skladište kupac**.

Član 3.

Kupoprodaja proizvoda iz ovog Ugovora obavljat će se po cijenama i kvalitetu prihvaćenim u ponudama iz člana 1. ovog Ugovora, uz mogućnost odstupanja od ponudom predviđenih količina u iznosu **od +/- 30%**.

Član 4.

Isporuka proizvoda iz tačke 1. ovog Ugovora vršit će se na osnovu zahtjeva Kupca, koji će svoje potrebe za proizvodima iskazivati kroz zahtjeve i ispostavljanje narudžbenica za svaku pojedinačnu isporuku.

Član 5.

Kvalitativni i kvantitativni prijem proizvoda iz ovog ugovora kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrde se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po oglasu, kupac će sačiniti komisijski zapisnik kojeg će u roku od 3 dana dostaviti prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 6.

Ukoliko Komisija iz člana 5. ustanovi da kvalitet robe ne odgovara kvalitetu iz ponude, te prodavaca pismeno izvjesti o kvalitativnom nedostatku, prodavac je dužan da u roku od 48 sati otkloni nedostatke (izvrši zamjenu), a ako to ne učini kupac zadržava pravo da u roku od 24 sata raskine jednostrano ovaj ugovor i o tome pismeno obavijesti prodavca, a isporučenu nekvalitetnu robu vrati prodavcu.

Također, kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe.

Član 7.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom - zapisnikom uz obavezu navođenja broja i datuma otpremnice i računa prodavca, kako bi se zadovoljili uslovi reklamacijskog roka od 8 dana.

Prodavac se obavezuje da na zahtjev Kupca odgovarajućom dokumentacijom (faktura i otpremnica) dokaže da je isporučenu robu po ovom ugovoru nabavio od proizvođača ili ovlaštenog distributera iste.

Član 8.

Prodavac će fakturisati isporučene proizvode po cijenama iz ponude navedene u članu 1. ovog Ugovora, koje su prihvaćene po javnom oglasu za **nabavku i isporuku potrošnog materijala i potrepština za potrebe održavanja higijene (LOT 1).**

Prodavac se obavezuje da će fakture za isporučenu robu ispostaviti u roku od 3 dana od dana isporuke.

Član 9.

Sastavni dio ovog ugovora su:

- **Odluka o izboru najpovoljnijeg ponuđača broj: 17-14-3120-18 od 30.03.2017. godine (LOT 1),**

- **Ponuda broj: 120-A/2017 od 02.03.2017. godine, zaprimljena pod brojem: 17-14-9794 od 03.03.2017. godine.**

Član 10.

Kupac se obavezuje platiti fakturu prodavcu u roku od **60 (šezdeset) dana** od dana izdavanja i prijema fakture.

Član 11.

Ugovorne strane su saglasne da će sve izmjene i dopune ovog ugovora regulisati dodatnim ugovorom, uz provođenje Zakonom utvrđenih procedura.

Član 12.

Ovaj ugovor stupa na snagu danom potpisivanja i traje do 31.12.2017 godine, i isti se može pod istim uslovima produžiti najduže za godinu dana.

Član 13.

Ugovorne strane mogu jednostrano otkazati ugovor pismenim putem sa otkaznim rokom od 30 dana.

Član 14.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

PRODAVAC:
"DEFTER" d.o.o. SARAJEVO

DIREKTOR

/Refik Redžović/

Broj: 4250/2017
Sarajevo, 25.04.2017 godine

KUPAC:
KANTON SARAJEVO
Stručna služba za zajedničke
poslove
NAČELNIK

/Fikret Jašarević/

Broj: 17-14-3120-28
Sarajevo, 24-04-2017 godine